



EROSKI-K KANPAINA BAT ABIATU DU VENEZUELAKO LURRIKARAK PAIRATU DITUZTENEI LAGUNTZEKO

- **EROSKIk dei egiten die bezeroei elkartasuna erakusteko, ordainlekitik pasatzean borondatea emanaz kalteak jasandako herritarren oinarrizko beharrak estaltzen lagundu dezaten.**
- **Horretaz gainera, ekarpen gehigarri bat egingo dio diru bilketari.**
- **Gurutze Gorriak bideratuko du larrialdiari erantzuteko EROSKIk eta bezeroek dohaintzan emandako guztia.**

Elorrio, 2026ko ekainaren 26a.- [EROSKI](#)k larrialdiko elkartasun kanpaina bat aktibatu du, Venezuelan izan diren lurrikara suntsitzaileak jotakoei laguntzeko. Nahi duenak borondatezko dohaintza bat egin dezake, nahi duen kopuruan, EROSKIren saltokietako edozein ordainlekitatik igarotzean.

Erregistratutako bi lurrikara indartsuak herrialdearen iparraldean izan dira, eta hondatu egin dituzte etxeak, funtsezko azpiegiturak eta oinarrizko zerbitzuak; hala, guztiz zaugarri gelditu dira milaka lagun. Oraintxe bertan, erasandako jendea bilatzea eta erreskatatzea da lehentasuna, eta, horrekin batera, ostatua, osasun arreta, ura, oinarrizko artikuluak eta laguntza psikosoziala ematea.

Aurreko elkartasun kanpainetan bezala, kontsumitzaileei esker dendetan bildutakoaz gainera, EROSKIk ekarpen gehigarri bat egingo du. Dohaintzen guztizkoa Gurutze Gorriak bideratuko du, zeina dagoeneko Venezuelako Gurutze Gorriarekin ari baita lanean erasandako jendearen behar premiatsuenei erantzuteko.

EROSKIk, bezeroekin eta EROSKI Fundazioarekin batera, milioi erdi eurotik gorako dohaintzak egin izan ditu azkenaldian aktibatutako elkartasun kanpainetan, eta horiekin hondamendi naturalek eta beste giza larrialdi batzuek jotakoei lagundu die; horien artean, DANA, autonomia erkidego bat baino gehiago jo zituena (2024ko urria), Marokoko eta Libiako uholdeak (2023), Turkiako eta Siriako lurrikarak (2023), Ukrainako krisia (2022), La Palma (2020), Mallorca (2018), Siria (2015), Nepal (2015), Filipinak (2013), Lorca-Murtzia (2011) eta Haiti (2010 eta 2016).

EROSKI - Komunikazio Korporatiboa

Patricia Martín Sanchidrián

Tel: 946 211 214

comunicacion@eroski.es

INCÓGNITO - Prentsa bulegoa

Silvia Peralta

Tel: 917 379 950

EROSKiri buruz

EROSKI banaketa talde liderretako bat da Espainia iparraldeko merkatuan —Galiziatik Balearretara—, %12,32ko merkatu kuotarekin; eta liderra da Euskal Autonomia Erkidegoan, Nafarroan eta Galizian; lidergoan da halaber Balearretan ere. 2025aren amaieran, 1.508 saltoki zituen bere sare komertzialean: besteak beste, supermerkatuak, hipermerkatuak, cash & carry-ak eta online supermerkatuak, baita optikak, kirol dendak eta elikagaien arlokoak ez diren beste jarduera batzuk ere. Horretaz gainera, 6 milioi Bezero Bazkide baino gehiago ditu, eta 28.200 lagunek baino gehiagok osatzen dute langile taldea; horietatik 8.300, berriz, bazkide eta jabe dira.